

 Бэлиэ түгэн

Сэтинньи 7 күнүгэр Нурбатаабы ГТАС дьиэтигэр Нурба куорат олохтоохторо Николай Прокопьевич, Ангелина Платоновна Сектяевтар, Николай Александрович Степанов, Александра Васильевна Догужева үйэ аҥаардах, кыһыл көмүс сыбаайбаларынан, Кыһыл көмүс кинигэҕэ кирибиттэринэн Судаарыстыбаннайа турук аактатын суруйуу Нурба оройуоннаабы салаатын салайааччыта Альбина Алексеева үөрүүлээх быһыыга-майгыга эбэрдэлээтэ, "Килбиэннээх дьиэ кэргэн" бэлиэни, Ил Дархан Айсен Николаев эбэрдэ суругун туттартаата.

Улуус дьаһалтатын аатыттан улуустаабы бэтэрээннэр сэбиэт-тэрин бэрэссэдээтэлэ Татьяна Олесова, "Нурба куорат" МТ баһылыгы солбуйааччыта Павел Необутов, улуустаабы киин баһыһа кыл. медсестэрэтэ Аида Федорова, "Кыталык" КД "Талба талааннаахтар" түһүлгэлэрэ норуодунай-фольклорнай кэлэктип салайааччыта Розалия Николаева, үбүлөйдээччилэр оҕолоро эбэрдэ тыл этилэр, сибэкки дьөрбөтүн бэлэх уунулар.

Кыһыл көмүс сыбаайба-лааччылар олохторуттан сэгэтэн ааһыам. Эдэркээн Николайдаах Ангелинаны Дьокуускайга социальной хааччыйыы министриэтигэ бэтэ мөлтөх доруобуйалаах дьону профтехучилищеҕа үөрэттэрэ ыһпыт кэмнэригэр бэйэ-бэйэлэрин кытары билсэн, сөбүлэһэн- таптаһан, 1973 сыллаахха дойдуларыгар Нурбаҕа кэлэн, атырдах ыйын 17 күнүгэр оройуоннаабы саахса дьиэтигэр олохторун холбууллар.

Ангелина "Суһал көмө" ыстаансыатыгар диспетчеринэн үлэтин сагалыыр, кэлин буһаалтырынан, социальной харалта управлениетыгар ыскылаат сэбиэдиссэинэн үлэтир. Үлэтэ сыаналанан социальной сулууса гуйгуна, Дьяархан нэһилиэтин бочуоттаах гражданина буолар.

Бал аҕата Николай Прокопьевич оройуоннаабы киин баһыһа Бэс-Чагдатаабы оройуоннар икки ардыларынаабы сэллиги эмтиир счанаторийыгар буһаалтырынан, кэлин киин баһыһа кииннэммит бухгалтериятыгар 1988 с. диэри кыл. буһаалтырынан үлэли сылдыан, доруобуйатын туругунан сынньаланна тахсар.

Николай Прокопьевич, Ангелина Платоновна Сектяевтар уоллаах кыыс оҕолоохтор. Уоллара Андрей Николаевич кэргэнинэн Тиксиигэ олохсуйан олоролор. Кыыстара Вероника Николаевна Дьокуускайдаабы Тыа хаһаайыстыбатын Академиятын юридическэй факультетыгар үөрэнэн идэ ылан, улуустаабы социальной харалта управлениетыгар үлэлээбитэ. Үс оҕолоох, улахан оҕолоро Дьокуускайга ХИФУ омук тылын салаатыгар английскай уонна кытай тылын отделение-тыгар үөрэнэллэр. Улахан сиэн-

Нурба ытык-мааны ыаллара чиэстэннилэр



 Ангелина, Николай Сектяевтар. 1973 с.



 Николай, Александра оҕолорунаан 1974 с.



 Ангелина, Николай Сектяевтар



 Николай Александрович, Александра Васильевна

нэрэ Кытайга ХИФУ атастаһы-гынан ситиһилээхтик үөрэнэ сылдьар, аныгы үйэ буолан, ийэ уолун, эбээлээх эһээ сиэннэрин кытары видеосибээһинэн кэпсэтэллэр. Кыра кыһа Нурбатаабы техническэй лиссийгэ үөрэнэр. Кыыс сиэн Кытайга үөрэнэ барарга баҕа санаалаах. Бал ийэтэ Ангелина Платоновна: «Оҕолорбут спорка, үөрэххэ ситиһилэринэн үйэбит уһуур. Бал буолан олохтоһуу тухары кэргэмминэн үлэҕэ, сынньаланна биригэ сылдьан кэлибит. 50 сыл биригэ олоху уһун курдук саныыр этибит, онтубут олус түргэнник элэс гынан ааста. Бэйэ-бэйэни убаастаһыы, истин сыһыан баар буолуохтаах, олох араас уустуктардаах, үөрүү-көтүү аргыстаах буолар. Оҕолорбут, сиэннэрибит ситиһилэрэ олохпутун уһатар», - диир.

Сектяевтар дьиэ кэргэннэрэ оҕуруот аһын арааһын олохтоон дьарыктаналлар, дьиэ кэргэннэрин бэтэмииннээх аһынан хааччыйаллар. Бал ийэтэ, эбээтэ Ангелина Платоновна асчыт буолан, бурдук ас арааһын астаан сиэннэрин күндүлүүр. Иллэн кэмнэригэр Ангелиналаах Николай урут уусуран кинигэни сөбүлээн ааҕар буоллактарына, билигин үтүө дьоннор тустарынан, документальнай кинигэлэри ааҕаллар ордороллорун туһунан ыал ийэтэ этэр.



Төрөөбүт Дьяарханан нэһилиэтин устуруйатын кэлэр көлүнэ ыччакка хааларын курдук видеога устан нэһилиэгэр бэлэх онорбут. Телеграм-каналга 1000 курдук сурутааччылардаах.

Иккиэн айылбаҕа сылдьалларын, сынньаналларын ордороллор, сир аһын арааһын хомуйалларын сөбүлүүллэр. Бал аҕа баһылыга Николай Прокопьевич доҕотторун кытары саас, күһүн булт сезонугар булттурун, балыктырын сөбүлүүр, кыыстара Вероника кинини баган балыктырын сөбүлүүр.

«Долгутуулаах түгэни бэлэхтээбит, сүүрбүт-көппүт дьоммутугар, оҕолорбутугар, сиэннэрибитигэр, эбэрдэ эгэлгэтин эппит дьоммутугар-сэргэбитигэр махталбытын тиэрдэбит», - диэн Ангелина Платоновна

махталын тиэрдэр.

Николай Александрович Степанов, Александра Васильевна Догужева ыал буолан олохтоһуу 50 сылларын бэлиэтиир үөрүүлээх күннэрин оҕолоро, сиэннэрэ кэлэн киэргэттилэр.

Бал аҕата Степанов Николай Александрович Үөһэ Бүлүү I Үөдүгэй нэһилиэгиттэн төрүттээх. "Үөһэ Бүлүү" сопхуоска тутууга, племенной сүөһү көрүүтүгэр үлэлээбит. Бал аҕата маһынан үчүгэйдик уһанар буолан, дьиэ тутуутугар прорабтаабыт. Дьиэ кэргэн кэтэх хаһаайыстыба тэринэн, сүөһү, сибиинньэ, куурасса иитэн, 12 га оттонор ходоһулаах ньир бааччы олохтоһууна, Александра Васильевна биригэ төрөөбүт убайдаах быраата олохтон туораннар, 1999 с. Нурбаҕа

көһөн кэллэллэр.

Догужева Александра Васильевна Үөһэ Бүлүү Онхойуттан төрүттээх. Сэттэ оҕо күнүбэй ийэтэ, элбэх сиэн эбээтэ. Сиэннэрэ уол ХИФУ, кыыс сиэннэрэ АГИКИ устудьуоннара.

Александра Васильевна 1964 с. оҕо уһуяаныгар нээнэнэн, иитэччинэн, Бүлүү куоратыгар Далыр сельпотугар, балыһаҕа поварынан үлэлээбит. 1990 сылтан доруобуйатынан дьиэҕэ олоро.

Дьиэ кэргэн айылбаҕа сылдьарын, эмтээх оттору хомуйар үгэстээхтэр. Сибэккиттэн саҕалаан хатын чагатын, уутун, кунааһын хомунан эмпи остоллор.

2018 сыллаахха Александра Васильевнаҕа "Бастын уһуяаччы", "Ийэҕэ албан аат" I-II-III истиэпэннээх уордьян хаһаайката, оройуон, өрөспүүбүлүкэ таһымнаах оһуокай күрэхтэрин хас да төгүллээх кыайылааҕа, норуот ырыаһыта, тойуксута.

Элбэх оҕолоох ыал ийэтэ Александра Васильевна эдэрдэргэ туһаайан:

- Эдэр көлүөнэ дьон үөрэхтээх дьон, хоһуун дьон буолалларыгар баҕарыам этэ. Хоһуун киһи олоҕу уһанар, - диир.

Аҕам саастаах дьиэ кэргэннэр үтүө холобур буолан, өссө да уһундук дьоллоохтук олороллуругар баҕара хаалабын.

Антонина СЕМЕНОВА

Андрей ШИЛОВ

2020 сыллаахха СӨ Үүнэр көлүөнэ пуондата “Кэлэр кэм туһугар” диэн 2021–2025 сылларга үлэлиир тус сыаллаах бырагырааманы бэлэмнэн, АЛРОСА хампааньна угар үбүн суотугар олоххо киллэрэ, айа-тута сылдыар. Ол чэрчитинэн пуонда бары тэрээһиннэрэ олоххо кириллэр.

Сайды туһайыллар хайысхатыгар үөрэх уонна билим, дьэ кэргэн уонна оҕо аймак көмүскэлэ, успуорт уонна култуура, экология уонна кэмийэрчэскэйэ суох тэрилтэлэри өйүүр тирэх суолталаах эйгэлэр кириллэр. Пуонда бигэ тирэхтээһин өйдөөт да, тутта үүнэр көлүөнэни кытта үлэни тириктээхтик уонна кизниг хабан ыытарга ылсыбыта. Тус сыаллаах пуонда АЛРОСА өйөбүлүнэн, ылсыбыт миссиятын хайдах толорон иһэрин пуонда Тус сыаллаах бырагыраамаларга управлениетын начаалынньыга Сардаана Попова билиһиннэрдэ.



“Биһиги биисинэс, судаарыстыба уонна социальнай партнёрдар күүстэрин, кыахтарын түмэн, кииннэн, дьонун суолталаах инновациялаах компоненттары тэрийи нөнүгү, үүнэр көлүөнэ урутаан сайдытын эко-тиһигин онорорго дьулуһабыт. Бырайыактарбыт уонна тэрээһиннэрибт туттаах партнёра – АЛРОСА хампааньна”, – диир кини.

Тус сыаллаах бырагыраама чэрчитинэн, үлэ түөрт сүрүн хайысханан барар: оҕо уонна ыччат, экология, кэмийэрчэскэйэ суох тэрилтэлэри уонна олохтоохтор көбүлээһиннэрин өйөөһүн уонна аныгы ирдэбилгэ эппиэттиир уопсастыбаннай туоналары тэрийиигэ көмөлөһүү.

“Биһиги оҕо аймак уонна ыччат кыабын урутаан сайыннарарга сөптөөх усулуобуйаны тэрийэргэ үлэлэһибит. Ол иһигэр, үөрэх, билим, култуура уонна успуорт эбийиэктэрин туттарабыт. Ол кэнниттэн онһуллубут инфраструктура төрүтүгэр билимнэ тирэтирибит көдүүстээх ньымалары туһанан, үүнэр көлүөнэ бары өтүнэн сайдарыгар тирэх буолар, дьин көдүүстээх көмө мэхэни-иисимнэри олоххо киллэрэбит, – диэн Сардаана Попова анаан бэлиэтиир.

Оҕолор – креативнай индустрияҕа

Саха сириг олохтоохторо креативнай индустрия эйгэтигэр үлэлэһэр Билим дьоруос академиятын, Үүнэр көлүөнэ пааркатын бырайыактарын бэркэ диэн биллэллэр. Оҕолор биир бырайыак кыттан баран, өссө атынна эмиэ кыттар бадалахтара кестөр.



Холобур, “КиноМАНИЯ” үөрэх бырагырааматыгар кыттыбыт, Харысхан Амбросьев: “Дьокуускайга көһөн кэлиэхпэр

Үүнэр көлүөнэ анал пуондата

Кэлэр кэм туһугар



“Биһиги ситиһиигэ эрэллээхпит, өрөспүүбүлүкэбэ киһи хапытаалын сайыннарыыга боччумнаах кылааты киллэрэр кыахтаахпыт санааны кынаттыыр. Кэлэр кэми бары кыттыһан, көмөлөөн оноробут!”

СӨ Үүнэр көлүөнэ тус сыаллаах пуондата.

диэри мин Нурба куоракка Оҕолору эбии үөрэхтээһин киинигэр дьарыктаммытым. Манна кэлэн баран, бырагыраамалары оноруу куруһуогар кирибитим. Ол сылдьан үөрэнээччилэр кылгас метражаах киинэлэрин бэстибээлигэр кыттыбыппар сэртификэт туттарбыттара. Хара ааныттан бэйэм киинэни танааччы эбэтэр сценарий сурыйааччы буолуохпун баҕарарым. Оттон миэхэ манна “артыстыы маастарыстыбаҕа дьоруудааххын” диэбиттэрэ. Мин онно дьарыктаммыппын олус биһирээтим, бэйэбэр сонун үөрүйэҕи арыйдым, диктор ускуустубатын сөбүлээтим. Итиннэ дьарыктаныы миэхэ бэйэбэр эрэлэ сахта, онон “креативнай индустрия эйгэтигэр дьарыктанаахпын сөп эбит” диэн санаам бөөрөгөөтө. Ону тэнэ уруһуйдуу уонна бырагыраама онорор дьарыкпын хайаан да салгыбын. Өссө туох эрэ сонунна, саҕаҕа холонуппун баҕарабын. Кэнэҕэһин да Билим дьоруос академияһыта уонна Үүнэр көлүөнэ паарката ыытар тэрээһиннэригэр үөрүүнэн кыттыам этэ”.

Олоҕу уларытарга бэйэттэн уонна оҕоттон саҕалыахха

Саха сириг олохтоохторо СӨ Талааннаах оҕолору булан, талааннары өйүүр эрэгийиэннэҕи киин үлэтин-хамнаһын, тэрилтэ эспирдэрэ оройуон киинэригэр саҕалаан, кырыы сытар бөһүөлэктэри тилэри хабан туран, өрөспүүбүлүкэ

йата үс сыллааҕыта саҕаламмыта. Үбүлээһин бүддьүөт тас өтүнээҕи источниктартан, ол иһигэр АЛРОСА Үүнэр көлүөнэ пуондатыгар эбии биэрэр үбүтүн, көрүллэр. Бастаан утаа кэмийэрчэскэйэ суох секторы эрэ кытта үлэлэһэн баран, хабар эйгэбит кэнээн барбыта. Үлэбит-хамнаспыт биир туһунан хайысхата бырайыактаах култуура буолбута. Ол эбэтэр, идиэйэлэри хайдах толкуйдаан, бырайыак гына онорор, хантан күүһү, өйөбүлү ылар, көдүүһү хайдах быһыылаахтык ситиһэр туһунан итиннэ этиллэр. Биһиги бу хайысхаҕа үлэни аан бастакынан оҕолордон, ыччаттан саҕалыыр, үөрүйэҕи кинилэргэ эрдэттэн ингэрэр наадатын тутта өйдөөбүппүт. Онтубут “үүнүүтүн”, “отонун” Үүнэр көлүөнэ паарката үлэлээн барда да, билиэхпит, көрүөхпүт дии саныбыт”.

Ол курдук, былырын Кэлим кыах киинэ “Арктика креативнай академията” бырайыагын олоххо киллэрбитэ. Ол чэрчитинэн, Саха сиригэ Арктика оройуоннарын оҕолорун уонна ыччаттын креативнай үөрүйэҕин сайыннарарга ылсыбыттара. Онно информационнай технологияларга, дизайнна, киинэ индустриятыгар, ойуулугу онорууга сыһыаннаах барыта кириллэр. Бастакы креативнай туоналары бибилиэтиэкэ, түмэл, култуура дьэилэригэр уонна ИТ-кииннэргэ олохтоон туран, Булуҥ, Усуйаана, Орто Халыма, Эбээн Бытантай, Анаабыр, Муома уонна Өлөөн улустарыгар арыталаабыттара. Холо-

бур, Өлөөн бөһүөлэгэр АЛРОСА үбүгэр тутуллубут А.С. Иванов аатынан «Илкит» этно-култуура киинигэр аспыттар. Ити тэрилтэлэр үлэһиттэрин уонна кэмийэрчэскэйэ суох тэрилтэлэр тумус туттар дьонун оҕолорго настаабынньыгынан сыһыарбыттара.

“Бу бырайыак чэрчитинэн, биһиги педагогтар уонна исписалисттар кылаастарын үрдэтэр куурустары ыппыппыт. Кинилэргэ олох аныгы, кыахтаах тэрил бэриллибитэ. Көмүүстэрдэригэр уонна ноутбуктарыгар биһиэхэ баар оҕону үөрэтиигэ сыһыаннаах, анал лиссиэнсийэлээх бырагыраамалары хачайдаан биэрбиппит. Ону таһынан анаан уһуллубут бийдийэ-уроуктар баалара. Биһигини кытта оҕолору үөрэтэр араас эспирдэр сылдыһытара.

Түмүк быһыытынан, Үүнэр көлүөнэ тус сыаллаах пуонда доһотторун пуорумугар “Өбүгэбит халаңаара” диэн бырайыактыгын сүрэхтэниитин тэрийбиппит. Бу – Арктика оройуоннарын култуурунай нэһилиэстибэлэригэр аманьныт оҕолор бийдийэ-үлэлэрин сыппара-архыыба. Холобур, уус хайдах хомуу уһааран, таптайан таһаарара, эбэ былыргы остуоруйаны эбээн тылын кэпсириэр, иистэннээн таҕас тигэрэ, Таһаһыт күнэ хайдах тэриллэрэ курдук олус туһалаах, интэриһинэй устуулар бааллар. Ити курдук, бииртэн биир саҕа атыл, харды оҕоһулан, ити тэриллибит хамаандаларбыт кэнэҕэһин бэйэлэрэ араас грант түгэтиллэр куонкурустарыгар кыттар кыахтаналарын уонна кыайалларын ситиһиэх тустаахпыт”, – диир Ольга Анатольевна.

Ити курдук, АЛРОСА холобуругар уонна Үүнэр көлүөнэ тус сыаллаах пуондатын бырайыактарыгар олохторун, оҕону уонна ыччаты сайыннарыыга биисинэс туох оруолу ыларын уонна ылыах тустаабын көрүөххэ сөп. Оттон бу үлэ тирэҕэ, туллар туттааҕа – конструктивнай кэспэти уонна хайаан да тириктээхтик ытыллар кытыгас биригэ үлэлэһи.

Хаартыскалары СӨ Үүнэр көлүөнэ тус сыаллаах пуондата биэрдэ



Кэрэ киһи уола Күүстээх Соппуруон аатынан мас тардыһытыгар турнир түмүгэ

Ахсынны 1-3 күннэригэр Октябрьскай нэһилиэк А.И.Пахомов аатын сүгэр спорт саалатыгар киэн туттар биир дойдулаахпыт Софрон Андреев- Кэрэ киһи уола Күүстээх Соппуруон аатын үйэтиитигэ, үгэскэ кубулуйбут мас тардыһытыгар республиканскай турнир ытылынна.

Турнирга барыта 17 хамаанда кыттыыны ылла. Республикабыт биллэр-көстөр мадьынылара күөн көрсөн, биирдиилээн ыйааһынгга уонна мунгутуур кыайылаахтары быһаардылар. Нурбабыт улуунун спортсменнара түөрт кыһыл көмүс, сэттэ үрүң көмүс, икки боруонса мэтээллэри ыллылар.

Тыһааһыннаах кирииллэр түмүктэринэн дьахталларга 50 кг диэри ыйааһынгга: 1 миэстэ – Николаева Нургуяана (Нурба), 2 миэстэ – Алексеева Анастасия (Мэнгэ-Хангалас, Модун), 3 миэстэ – Федотова Кэскилээнэ (Үөһээ Бүлүү) 55 кг 1 миэстэ – Алексеева Ирина (Горнай) 2 миэстэ – Григорьева Аксинья (Нурба) 3 миэстэ – Дьячковская Лера (Чурапчы)

60 кг1 миэстэ – Федорова Саргылана (Горнай-Нурба), 2 миэстэ – Федосеева Елена (АГАТУ), 3 миэстэ – Антонова Александра (Үөһээ Бүлүү)

65 кг1 миэстэ – Молюкова Светлана (АГАТУ, Чурапчы), 2 миэстэ – Алексеева Нургуяна (Үөһээ Бүлүү), 3 миэстэ – Васильева Марина (Бүлүү)

75 кг1 миэстэ – Алексеева Елена (Хангалас), 2 миэстэ – Саморцева Анна (Дьокүүскай), 3 миэстэ – Антонова Элеонора (Нурба, Уус-Алдан)

85 кг1 миэстэ – Лепп Лоредана (Хангалас), 2 миэстэ – Захарова Виктория (Нурба)

85 кг үөһэ1 миэстэ – Тарасова Вилена (Үөһээ Бүлүү), 2 миэстэ – Михайлова Татьяна (Үөһээ Бүлүү), 3 миэстэ – Осипова Елизавета (Нурба)

Эр дьонно ветераннарга, 65 кг үөһэ ыйааһынгга: 1 миэстэ – Санников Василий (Үөһээ Бүлүү), 2 миэстэ – Харбанов Анатолий (Нурба), 3 миэстэ – Соба-



Турнир 75 кг үөһэ ыйааһынна мунгутуур кыайылааҕа Федор Федоров



75 кг диэри ыйааһынгга мунгутуур кыайылаах Семен Ануфриев



кин Егор (Чурапчы)

75 кг1 миэстэ – Ботуев Гаврил (Үөһээ Бүлүү), 2 миэстэ – Ноговицын Сергей (Мэнгэ-Хангалас, Модун), 3 миэстэ – Попов Леонид (Бүлүү)

85 кг1 миэстэ – Ноев Александр (Чурапчы), 2 миэстэ – Бубякин Еремей (Уус-Алдан), 3 миэстэ – Охотин Геннадий (Үөһээ Бүлүү)

85 кг үөһэ1 миэстэ – Васильев Уйбаан (Нурба), 2 миэстэ –

Данилов Сергей (Нурба), 3 миэстэ – Петров Айал-Дархан (Сунтар)

Эр дьонно, 60 кг ыйааһынгга: 1 миэстэ – Прокопьев Дмитрий (Нурба), 2 миэстэ – Егоров Василий (Нурба), 3 миэстэ – Корякин Алексей

65 кг1 миэстэ – Павлов Павел (Сунтар), 2 миэстэ – Софронов Николай (Нурба), 3 миэстэ – Кириллин Александр (Нурба), 70 кг1 миэстэ – Пшенников

Александр (Өлүөхүмэ), 2 миэстэ – Слепцов Айтал (СВФУ, Чурапчы), 3 миэстэ – Мырьянов Иван (Сунтар)

75 кг1 миэстэ – Ануфриев Семен (Уус-Алдан), 2 миэстэ – Большаков Тимофей (Сунтар), 3 миэстэ – Гуляев Иван (Чурапчы)

80 кг1 миэстэ – Ботуев Айсен (Үөһээ Бүлүү), 2 миэстэ – Марин Ариан (Томпо), 3 миэстэ – Сдвижков Борис (Амма), 90 кг1 миэстэ – Иванов Юрий

(Нурба), 2 миэстэ – Иванов Леонид (Нурба)

105 кг1 миэстэ – Михайлов Юрий (Сунтар), 2 миэстэ – Софронов Василий (Нурба)

105 кг үөһэ1 миэстэ – Федор Федоров (Сунтар), 2 миэстэ – Пестряков Василий (Бүлүү)

Турнир мунгутуур кыайылаахтарынан: 75 кг диэри ыйааһынгга – Семен Ануфриев (Уус-Алдан), 75 кг үөһэ ыйааһынгга – Федор Федоров (Сунтар) тахсан 50 000 солк сэртификэттэринэн наһарадаланнылар. Улуус баһылыга А.М.Иннокентьев туруорбут бириһин солбуйааччыта Н.С.Петрова 50 кг маннайгы миэстэ кыайылааҕар, биир дойдулаахпыт Нургуяана Николаева туттарда.

Софрон Андреев аймахтарын анал бириһин телевизор турнир кыайылааҕа Айсен Ботуевка, Дьаархан оскуолатын саа сэртификэттин Прокопьев Дмитрийга туттардылар. Маны тэнгэ, улуус нэһиликтэрин баһылыктарын, тэрилтэлэрэ, улуустаабы мас тардыһы федерациятын, спонсордар, урбаанныттар, спорт ветераннарын бэлэхтэрэ туттарылынылар. Улууска ытыллар күрэхтэргэ нэһиликтэрбит олохтоох дьаһалтала, тэрилтэлэр, спорду өйүүр улууспут урбаанныттар өрүү күүскө өйөбүл буолаллар. Кинилэргэ истинг махталбытын тириэрдбит.

Күрэх биир ураты тэрээһинин турнир бары ыйааһынын чемпионнара сэрэбиэй быһытынан «Дьаархан нэһилиэгэ» муниципальнай тэриллии туруорбут убаһа бириһин ооннотуу боолла. Кыайылааһын Сунтаар мадьыныта Юрий Михайлов боолла.

Бу курдук биир дойдулаахтарбыт аатгарын үйэтигэн, өбүгэ саҕаттан ситимнээн кэлбит сахабыт норуотун төрүт ооннууларыттан биирдэстэрэ, билинги кэмгэ аан дойдуга тийиҥ биллибит мас тардыһы көрүнгүн күрэхэ улууспутугар бэрт сэргэхтик ытылынна.

Улуустаабы физическэй культуура пресс-киинэ

Христос Таһара төрөөбүтэ 2024 сыла буолуо 13 күн хаалла. Ол кэнниттэн 7 күн буолан баран Дьобуруопа уонна бүтүн аан дойдуга Саҥа СЫЛ кэлэр-2024 диэн ахсааннаах. Олох 2024 сыл иннинэ суох этэ-диэбэппит. Баар этэ. Чэ ол хааллыны-ырыппаппыт. Ийэ дойдубутугар-Саха Сиригэр төннүүххэ. Чуолаан Нурбаҕа. Былыр Аканаҕа 1960 сыллааха мин 1-2 кылаастара үөрэнэр кэмнэрбэр ханна сурук баар да ааҕар бэдик этим. Оҕо сылдьан тугу көрбүтүн диригинник ингэн хаалар эбит, долоҕойгор. Онтон арыый улааппытым кэннэ, ити 1970-с сыллар диэки быһылааҕа, арай биридэ өйдөөбүтүм- саҥа дьылынан-саҥа дьолунан-диэн суруйар буолбуттар этэ. Билинги эдэр да

Редакция почтата

Саҥа Дьыл дуу?-Саҥа СЫЛ дуу?

саастаах да дьон үксэ ахсынны 31 күнүттэн тохсуннуу 1 күнүгэр буолар түүнүгэ "саҥа дьылынан!" дэһэннэр хампаан иһэ-иһэ эҕэрдэлэллэр. Ити, дьингэ, сыһа. Саҥа сыл диэн өйдөбүлү 1700 сыллааха Петр 1 Дьобуруопаттан Арассыһаҕа киллэрбит. Нууччалар ол иннигэр саҥа сылларын күһүн балаҕан ыйыгар ылаллар этэ. Ону быһаара барбаппын-Вассапка хаста да быһаарбытым. Үтүүппэр 688 суруйтарааччыбар эмиэ кэпсээбитим. Эбэтэр

кэпсиэҕим хатылаан. Дьыл туһунан 100-чэкэ суруйдаҕым, кэпсээтэҕим буолуо. Хаһыакка, араадыһаҕа, күөх хоппоҕо дуу, хоптоҕо дуу? куйаар ситимигэр сыл айы хатылыбын. Ол эрээри тоҕо эрэ саха дьонно соччо өйдөнөн испэттэр. Бэҕэһэ били убайбыт Уйбаан Буурсап Афанасий Максимиов кинигэтин биллэхпэр-Маалыкайга үйэтигэр Һылгыга үлэ-лээбит 80-тан тахсыбыт Саввинов Степааннын уонна кини кэргэнинээн ити туһунан кэп-

сэттим- Дьыл уонна Сыл туох атыннаахтарын, уратыларын. Тҕа саастаах дьонно барахсаттар чопчу быһааран биердилэр - Хабырылла Уһаарап Дьыл уонна Сыл диэн кинигэтигэр суруллубутун курдук. Ол кинигэҕэ мин улуу убайым Бадаһын Сүлбэ барахсан ахтыта эмиэ баар этэ. Бүлүү сүннүүн аарыма кырдыаҕастарын тыһаарыахтарыгар баттаһан ыйыталаһпыт ахтылыгар олоһубут дьобуһу кинигэтигэр -Дьыл диэн БИНАХ ХОТОНҦО КЫС-

ТЫЫР КЭМЭ-ааттанар. Дьыл уһуна=220 хонук. Алтынны ортотуттан (кыстык хаар түһүүттэн) саҕалаан ыам ыйын 22 күнүгэр-сайын кэлиитигэр түмүктэнэр. Чэ, Сыл уонна Дьыл диэн өйдөбүллэри 101-ис төгүл быһаардым. Онон күндү Нурбам сахалара уонна Ийэ Дойдубут бары дьингээх сахалара, ахсынны 31 күнүттэн тохсуннуу 1 күнэ үүнэр түүнү "САҦА СЫЛЫНАН!" диэн эҕэрдэлэһиэҕин диэн аһаҕас ынгырыбын түмүктүүбүн.

Нурбаттан хаһа омуқ 3-с Конгреһин Сүбэһитэ, 1999 Һылтан Ийэ Тыл көнүл түмсүүгэ үлэлэһэр Бигэ Өрөкүү Бааһынай уола. 2023 сыл. Ахсынны 12 күнэ. Үлэ иккис күнэ.

